

Na osnovu člana 9. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00) i člana 23. i 55. Statuta Općine Ilijaš - Prečišćeni tekst ("Službene novine Kantona Sarajevo", broj 20/09), Općinsko Vijeće na sjednici održanoj dana 31.10.2013. godine, donijelo je

### ODLUKU

#### O USVAJANJU PLANA ZIMSKOG ČIŠĆENJA PUTEVA NA PODRUČJU OPĆINE ILIJAŠ U SEZONI 2013/2014. GODINE

##### Član 1.

Usvaja se Plan zimskog čišćenja puteva na području općine Ilijaš u sezoni 2013/2014. godine.

##### Član 2.

Finansiranje zimskog čišćenja lokalnih puteva na području općine Ilijaš vršit će se iz budžeta općine Ilijaš.

##### Član 3.

Sastavni dio ove odluke su: Plan zimskog čišćenja puteva na području općine Ilijaš u sezoni 2013/2014. godine, Operativni program radova održavanja puteva u zimskom periodu 15.11.2013. - 15.3.2014. i Metodologija obračuna vrijednosti izvedenih radova u Zimskoj službi za sezonu 2013/2014. godinu.

##### Član 4.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01/1-02-1895-8/13  
31. oktobra 2013. godine  
Ilijaš

Predsjedavajući  
OV Ilijaš  
Damir Filipović, s. r.

Na osnovu člana 56. Zakona o prostornom uređenju ("Službene novine Kantona Sarajevo", br. 7/05), člana 23. Odluke o provođenju Prostornog plana Kantona Sarajevo za period 2003 -2023. godine ("Službene novine Kantona Sarajevo", br. 26/06) i člana 23. i 55. Statuta Općine Ilijaš ("Službene novine Kantona Sarajevo", br. 20/09) Općinsko vijeće Ilijaš na sjednici održanoj dana 31.10.2013. godine, donijelo je

### ODLUKU

#### O UTVRĐIVANJU NOVOG GRAĐEVINSKOG ZEMLJIŠTA I PLANA PARCELACIJE ZA IZGRADNJU APARTMANSKOG NASELJA LJUBNIČI

##### Član 1.

Ovom Odlukom utvrđuje se novo građevinsko zemljište za izgradnju apartmanskog naselja u Ljubničima i Plan parcelacije zemljišta (Elaborat ažurna geodetska situacija-parcelizacija).

##### Član 2.

Lokacija apartmanskog naselja obuhvata parcele na lokaciji Ljubnića koje graniče sa parcelama k.č. br. 777,753,752 K.O. Ljubnići sa zapadne strane, i protežu se prema istoku tako da dodiruju lokalni put sa zapadne, južne i istočne strane lokaliteta. Lokalitet je nepravilnog oblika, po dužoj strani orijentisan u smjeru sjever-jug dužine obuhvata cca 820 m<sup>1</sup>, dok je po kraćoj strani orijentisan Istok-zapad dužina obuhvata cca 200-400 m<sup>1</sup>. Ukupna površina obuhvata iznosi 12,912ha (12.912,00 m<sup>2</sup>).

Apartmansko naselje Ljubnići se sastoji od:

PROSTOR NASELJA rezidencijalno-  
rekreativnog karaktera P=73.835,00 m<sup>2</sup>  
koje čine:

- 108 parcela površine 1000-1500 m<sup>2</sup>,
- 108 Individualnih objekta riješena u tri tipa, stil tradicionalne bosanske kuće i modernijeg izražajnog stila, čije su površine 150-200 m<sup>2</sup>, maksimalne spratnosti dvije etaže,

ZONA SPORTA I REKREACIJE P=12.000,00 m<sup>2</sup>  
koje čine otvoreni sportski tereni  
(mogućnost izgradnje dvorana)

ZONA ODMORA I ZABAVE P=9.200,00 m<sup>2</sup>  
koje čine parkovske površine, staze,  
dječije igralište i mobilijar,  
ugostiteljski objekat

ZONA DRUŠTVENIH SADRŽAJA AP=7.425,00 m<sup>2</sup>  
koji čini objekat tržnog centra sa  
pratećim sadržajima  
SAOBRAČAJNICE P=9.660,00 m<sup>2</sup>  
širine profila kolske saobraćajnice  
P 4,0-5,0 m sa jednostranim trotoarima širine 1,0 m

##### Član 3.

Sastavni dio ove Odluke je Grafički prilog Elaborat ažurna geodetska situacija - parcelizacija.

##### Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01/1-02-1895-9/13  
31. oktobra 2013. godine  
Ilijaš

Predsjedavajući  
Općinskog vijeća  
Damir Filipović, s. r.

Na osnovu člana 56. Zakona o prostornom uređenju ("Službene novine Kantona Sarajevo" br. 7/05), člana 23. Odluke o provođenju Prostornog plana Kantona Sarajevo za period 2003-2023. godine ("Službene novine Kantona Sarajevo", br. 26/06) i člana 23. i 55. Statuta Općine Ilijaš ("Službene novine Kantona Sarajevo", br. 20/09) Općinsko vijeće Ilijaš na sjednici održanoj dana 31.10.2013. godine, donijelo je

### ODLUKU

#### O UTVRĐIVANJU NOVOG GRAĐEVINSKOG ZEMLJIŠTA I PLANA PARCELACIJE ZA IZGRADNJU APARTMANSKOG NASELJA DONJA BIOČA FAZA 1

##### Član 1.

Ovom Odlukom utvrđuje se novo građevinsko zemljište za izgradnju apartmanskog naselja u Bioči-Faza 1 i Plan parcelacije zemljišta (Elaborat ažurna geodetska situacija-parcelizacija).

##### Član 2.

Lokacija apartmanskog naselja obuhvata parcele na lokaciji Donje Bioče koje graniče sa parcelama k.č. br. 479,546 K.O. Bioča sa sjeverne strane, Biočkim potokom sa sjeveroistočne strane i protežu se prema jugu. Lokalitet je nepravilnog oblika, po dužoj strani orijentisan u smjeru sjever-jug dužine obuhvata cca 1593,0 m<sup>1</sup>, dok je po kraćoj strani orijentisan Istok-zapad dužina obuhvata cca 875,00 m<sup>1</sup>. Ukupna površina obuhvata Faze 1 iznosi 86,875ha (86.875,00 m<sup>2</sup>).

Apartmansko naselje Bioča-Faza 1 se sastoji od:

PROSTOR NASELJA rezidencijalno-rekreativnog karaktera P=48.875,00 m<sup>2</sup>  
koje čine:

- 263 parcele površine 1000-1500 m<sup>2</sup>,
- 263 Individualna objekta riješena u tri tipa, stil tradicionalne bosanske kuće i modernijeg izražajnog stila, čije su površine 150-200 m<sup>2</sup>, maksimalne spratnosti dvije etaže,

KOLSKE SAOBRAČAJNICE P=38.000,00 m<sup>2</sup>  
- širine profila kolske saobraćajnice 4,0-5,0 m sa jednostranim trotoarima širine 1,0 m

##### Član 3.

Sastavni dio ove Odluke je Grafički prilog Elaborat ažurna geodetska situacija - parcelizacija.

##### Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01/1-02-1895-10/13  
31. oktobra 2013. godine  
Ilijaš

Predsjedavajući  
Općinskog vijeća  
Damir Filipović, s. r.